

نفسی هربرده ۱۰ غرورده

منه لکی بوسته ایله ۵ لیرا .
(اجنبی مملکتلر ایچین ۵ دولار)

اونه واعلان ایشلری ایچین استانبول بوروسه
مراجعت ایدیلیر .

یازی ایشلرینک مرجعی آقره مرلریدر .

حیات

هیا نه دایمیا ... دیبا رها میره هیا قاتلم ...
- نیجه -

اداره مرکزی :

آقره ده ، استانبول جاده سنده آقره
معارف امینلیک یانده کی داغره

استانبول بوروسی :

استانبولده ، باب عالی جاده سنده ۸۷ نوره ده
داغره مخصوصه

۳ نجی جلد

آقره ، ۸ کانون اول ، ۱۹۲۷

صافی : ۵۴

صاحبه :

علم و مفکوره

مفکوره جیلکک بلکه اک مفکوره وی بر
مثلی اولارق طانیدیغ « ضیا کونک آلپ » ک بر
مطالعه سنی دایما خاطرلارم . برکون ، قالا بالق بر
مجلسده ، بزده علم حیاتک انکشاف ایتمه دیکندن ،
حقیقی معناسیله طالمرمز بولونمادیغندن بحث
ایدیلدیکی بر صیراده ، مرحوم دیمشدی که :

— بونک باشلیجه سبی ملی مفکوره دن
محرومیتدر . بر دفعه روحلرمزده بو آتش
یانسین ، اونک فیضی مملکتک محتاج اولدیغی
طالمری ده یتیشدیره جکدر .

ضیا ، بعض معارضلرینک حقسز اولارق
ادعا ایتدکری وجهله ، هر هانکی بر مسئله نی یالکز
برجهه دن کورمکه اکتفا ایدن بسیط بر آدم
دکلدی . یالکز ، محیطی اوزرنده قوتله مؤثر اولاق
واطرافنده کیرک ایمانی دایما تقویه ایتک ایسته یین
هر مرشد کی ، ریاضی بر قطعیته حکملرینی ویرر ،
مخاطبلرنده یکی بر ایمان او یاندر مق ایستردی . قرون
وسطائی تلقیلری بیقمووه عثمانلیق موهومه سنه
صاپلانوب قالان صوفیه لره وزوپه لره قارش
عکس العمل یایمق ایچون ، مملکتده کی بوتون
فناقلری ، بوتون یوقسولقلری « ملی مفکوره » دن
محروم اولوشمزه عطف ایدردی . ایسته اوکون ،
اکثریت اعتباریله قوزمو پولیتارله مدرسه لیلردن
ترکب ایدن مجلسده او طرزده لسان قوللانمسنک
باشلیجه سبی ده بویدی . یوقسه ، چوق کنیش
معلوماتی و چوق شخصی کوروشلریله جدا بر خارق
اولان بو بویوک متفکرک ، اجتماعی تکاملک هر نوع
طالمرینی لایقینه قاورامامش اولماسی اصلا تصور
ایدیله مز .

ای دوشونوله جک اولورسه ، ضیانک
مطالعه سنده هر حالده بر حقیقت حصه سی بولماق
قابل دکلدیر : هنوز « ملیت » دویغوسنی دویما یهرق
ساده جه « امت » وجدانه ، « امت » شعورینه
مالک اولان اجتماعی بر هیئت ، تمامیه قرون وسطائی
بر تشکلدیر ؛ بویله بر تشکل ایچنده سربست
تفکرک موقعی یوقدر که اوراده عصری معناسیله
« علم » موجود اولایلسون . صوک زمانلره
قدر مملکت مزده « علم » و « عالم » دینجه ،
ساده جه دینی ماهیتده مدرسه بیلکیرلرینک و مدرسه
آداملرینک خاطره کله سی ، مثبت علملرک
هیچ موقعی اولمامه سی ، بوکا بر دلیل دکلیدر ؛
داها بر قاج سنه اولنه کلنجه جه قدر « شیخ الاسلامق »
تشکیلاتی قارشیسنده سربست دوشونمکه و بو
سربست دوشونجه لری تبلیغه امکان وارمیدی ؟
بو وضعیتده و بو ذهنیتده بولونان بر مملکتده عصری
علم تلقیسنک انکشافنه امکان اولامایه جنی ، عادتاً
بر متعارفه در . تورک ملتی آنجاق کندی ملیتی
ادراک ایتدکدن صوکرادر که حاکمیتی کندی
النه الدی و ملیت اساسلرینه دایانان بر « ملی
دولت » قورمغه موفق اولدی . بناء علیه ، مملکتده
عصری علمک انکشاف و ترقی سیده ، آنجاق
بوندن صوکراممکن اولایله جکدر . ایسته
بوشکلده دوشونوله جک اولورسه ضیا به حق
ویرمه مک قابل میدر ؟

تورک ملتک ، داها اسلامیتدن اولکی
زمانلردن باشلا یهرق ، بوکونه قدر فکر و صنعت
ساحه سنده یاپدینی ایشلر ، عمومیتله ظن
اولوندیغندن چوق فضله در . ماضیمزه طأد

آرکه اولوژی و تاریخ تدقیقاتک متنادی ترقیسی
سایه سنده ، اسلامیتدن اول اولسون ، اسلام
مدنیتی دائره سنده اولسون ، تورکک فکر
و صنعت حیاتنه هیچ بر زمان بیکانه قالمادیغی هرکون
داها قوتله آکلاشیلور : لا اقل بیک ایکی یوز
سنه دن بری تورکک ادبیاتی اولدیغی ، تورک خلق
ادبیاتک قومشوقوملر اوزرنده ایزلر بر اقدینی ،
اسلام معماریسی داخلنده تورک معماریسنک
مستقل و چوق قوتلی بر تکامل کچیردیکی ،
اسلام مدنیتک تشکله تورکک بویوک و فعال
بر رولی اولدیغی عادتاً متعارفه حکمنه کیرمشدر .
لکن ، بوتون بونلره رغماً ، جهان تاریخک
عمومی یورویشی اوزرنده ، تورکک ، ماده ،
بو معنوی رولله قیاس ایدیله میه جک قدر بویوک
بر تأثیری اولدیغی اونو تماممالی یز . تورکک مادی
و معنوی ساحه لرده کی بو تأثیرلرینی مقایسه ایدنجه
واصل اولدیغمز نتیجه شودر : تاریخک هیچ
بر دورنده معنوی قوتمز مادی قوتمزله متناسب
اولمامشدر ! یعنی ، فکر و صنعت ساحه سنده تجلی
ایدن معنوی قوتمز ، هر زمان ، سیاست و عسکرک
ساحه سنده کندی کویستره دن مادی قوتمزدن چوق
آشانی قالمش ، اونکله متوازن صاییلما جق بر مرتبه به
اصلا یوکسه لمشدر .

بوراده بو حادثه نک سبیلرینی تحلیله قالدیشه جق
دکلز . نتیجه لرینه کلنجه ، صوک عصرلره قدر
تورکک مادی قوتی ایچون او قدر مضر اولمایان
بو موازنه سزلکک ، ایکی عصردن بری چوق الیم
نتیجه لر ویردیکنی بیلیورز . بالخاصه بوکون ،
« علم » و اونک تطبیقاتندن عبارت اولان « ته قنیک » ،

هغه غلک برائى

فلسفه و روحیات حرکتلری

۱۹۱۴ ده عمومی حرب باشلادقن سوکرا فرانسز متفکرلری بکدیگر بیله مسابقه کیریشدیلر . آلمان فلاسیک فیلسوفلرینک آلمانیان خودکاملغه ، جهان سلطانی اولق حرصنه ، حربچولمه سوقايتد . کلری انهامنه ، قاتی ، فیخته بی ، شه لیتنی ، هغلی ، حتی اولردن چوق اسکی اولان وائرلرینک بویوک بر قسمی فرانسزجه قلمه آلمش بولان لاینبیچی بیله معروض قیلدیلر . و بویوک غریب بر منظره تشکیل ایلهدی . زیرا شیمدی آلمان فلاسیک فیلسوفلرینی باطریق ایچون اعظمی غیرت صرف ایدن فرانسز متفکرلرینک جوغی وقتیه ، عمومی حرب باعلامادن اول ، بوتون رقتلرینی آلمان فلسفه سنک تدقیقنه حصر ایتش ، اونک « ایدئالیستلکی » یله عاداتاغشی اولمش کیمسه لرایدی . بالخاصه بوترو ، بو درین و نامدار فلسفه مورخی ، صانکه دونکی معبودلرینک یوزینه نوکورمکدن ذوق آلییور کبی ایدی . سنه لرجه مدت یارسانده ، یوکسک معلم مکتبده کی طلبه سنه قانت و دیگر فلاسیک آلمان فیلسوفلری حقنده ویردیکی درس لرله کتجلری وجده الفا ایتش اولان بو استاد ، شیمدی اسکی صنملری ییقینی وطنپرورلرکک ایجابندن عد ایله یوردی . بوترونک یکی ادعاسی شوایدی : « فرانسز فلسفه سی ، ده قارتدن اعتباراً بر حریت فلسفه سیدر ، حالبوکه آلمان فلسفه سی ، حتی عقل عملی تقیدینی یازمش اولان متفکرک فلسفه سی بیله ، بانه ئیزم غانفره نیله معلولدر ، غیر مشعور بولوطلرینه دالمشدر ، اسارتی ، بو غیر مشعوره کوله لکی تأسیس ایدر ، حر و شعورلو آبابه آنجق جزوی بر وقع بخش ایدر . آلمان مه تافیریکچیلرینک صوکنجیسی واکشایان دقتی اولان هغه غل ایه باربار بانجرمانیستلرکک مبشریدر . تراچکه ، بهر نه ایدی کبی ایمپریالیست پروسیانک املرینه فکرلرینی آلت قیلان محررلرکک مبشریدر . الخ .. » فرانسزلر آلمان فیلسوفلرینک ساده نظریه لرینی انجه دن انجه به تکرار کوزدن کچیره رک سیاست اعتباریه ستم کوزوکن ، آلمان ایمپراطورلرکک فتوحات و عسکری انکشاف امللرینی تمیه ایتش عد اولنه بیله جک اولان هر فکری قید ایتکه قالدیلر . فیلسوفلرکک حیاته ده باقدیلر . مثلاً قانتک - حیاتک کچن نسخه لرندن برنده موضوع بحث ایتدیکم - وقعه سی ، حکمدارینک امرینه تبعیت ایدرکک دینی سائلدن بحث ایتمه سی ده بر کوله لک اثری اولان قبول ایتدیلر .

قط بوتون بو متفکرلر آراستنده اک فضلهمجمومه اوغرایان ، هر جهندن تحقیر و تزییف کورن هغه غل ایدی . حالبوکه بر نسل اول ، هیولیت نه حیاتک اک کوزل سنه لرینک پای نخدن وزاق بر محله هغه غلک تدقیقنه حصر ایلهدیکی زمانلر اولدینی سوبله مشدی ! شیمدی ایه هغه غل ، بالخاصه حقو فلسفه سی اعتباریه

مجمومه معروض قالییور ، حق ایله قوتی برعد ایلهدیکی ، قوتلی اولان آلمانلری یا کاش بوله سوروکلهدیکی ادعا اولونوبوردی . تاریخده حقک اساس موفیقیتدن عبارت اولدینی سوبله یین Die weltgeschichte ist das Weltgericht دییهن هغه غل دکلیدی ؟

اعتراف ایتله کی آلمانلرده ، کندیلرینه خاص اولان بر شکلده مقابلهدن خالی قالمایورلردی . اولرده فرانسز علمنی و فرانسز فلسفه سی ، فرصت بولدجه قیمتدن دوشورمکه غیرت ایدیورلردی . مثلاً حرب انساننده استا ول دارالفنوننده مدرسلک ایدن غونتهر یاقوبی Guentger Yacoby بیله ادبیات فاکولته سی مجموعه سنه بر مقاله یازمش ، بونده برغسونک اساسی فکرلرینی شوپنهاوردن آلمش اولدینی ادعاسیله ، اوریزنیالیته سی ، فلسفی قیمتتی تزییل ایتکه غیرت ایتشدی . متارکه وصلحدن سوکرا بو کوسکونلک اوزون مدت سوردی . اساساً هیچ بر طرفده دیگرکک یوزینه باقاجق حال یوقدی . انکلترده ، فرانسه ده عقدایدیلن بین الملل فلسفه قونفره لرینه آنجق انکلیز ، ایتالیان ، آمریقان و فرانسز متفکرلری اشتراک ایتدیلر . حالبوکه حربدن اول بو کبی اجتماعلر نام معناسیله بین الملل ایدی . مع مافیه یا واش یا واش فرانسز و آلمان متفکرلری آراستنده اسکی رابطه لر یکیدن تأسیس اولونغه باشلاندی . صوک سنه لرده عقد ایدیلن فلسفه قونفره لرینه هریکی طرفک پروفسورلری اشتراک ایتدیلر . مثلاً کچن سنه آمریقاد هاروارد دارالفنوننده عقد ایدیلن بین الملل قونفره ده فرانسزلردن پول لابی ، لهوی ، رول ، روبه ن ، ژیلسون ، بوغله آلمانلردن هارتمان ، غایه ر ، دریش ، موللر ، فرایه فله لس ، به خه رال . حاضر بولونیدیلر ، فلسفی مناقشه لر یابدیلر .

شیمدی ایه یکی بر حادنه قارشیننده بز : صور . بون دارالفنوی مدرسلردن باش Basch آلمان فلاسیک فیلسوفلرینک سیاسی نظریه لری « نامی آلتنده نشر ایلهدیکی یکی بر اثرده (۱۹۲۷ ، طابع آلقان ، پارس) دوغروندن دوغرویه شو مسئله بی تدقیق ایدیور : آلمان فیلسوفلری و بالخاصه هغه غل ، ادعا اولدینی وجهله ، بانجرمانیسمک ، قوت پرستشکارلرکک ، ایمپریالیزمک نظریه جیسی عد اولونایلیرمی ؟

باش ، لاینبیچی ، قاتی ، فیخته بی ، فقط بالخاصه هغه غلی تدقیق ایلهدیور . و نام بر برائت حکمیله کتانی نتیجه لندیر یور . لاینبیچ حربچو بر متفکر میدر ؟ نه مپریالیست نمایلره خدمتمی ایدر ؟ واقعا اون دردنجی لوتی به مصر سفرینی توصیه ایتشد . فقط لاینبیچ ، آیدینلق و یوکسک ذکاسیله تصور ایتدیکی سیاسی عالمی ، فیزیقی عالم امتثالاً بر بویوک آهنگدار سیستم اولارق آکلامش ، مدینتک نهائی هدفنی صلح مؤبدکک تأسیسند کورمشدر . قانتده عقل سیسته میله بر جمعیت اقوام

تصورینه ابریشمش ، بوجعیت اقوامک بلانلرینی باپش ، اونک تحقیقه حربک اورنادن قالماجقنی و حقک بین الملل مناسبتلرده حاکم اراجقنی امید ایتشد . فیخته به کتجه ، بو متفکر ، برنجی نابولیونک آلمانیان استیلا ایلهدیکی آشاده واقعا نومید بر وطنپرورلرکک قاپیلارق مبالغه لره دوشر ، لکن کتجلکندنه فرانسز اختلافه مفتون اولمش ، حریت و مساوات دستورلری ایچون قلبی چاریش و تاصوکه قدر کتجلکککک مفکوره سنه صداقتی محافظه ایتشد . دیمک که آلمانلرکک فلاسیک فلسفه سی ، کدبینه قارشى توجیه ایدیلن انهامانی مظهرینه رد و جرح ایدیه بیله جک بروضیتده در . مدرس باش بو ظفرک حتی نیچه موضوع بحث اوله بیله تأمین ایدیه بیله جکنی قبول ایدیور . اوکا نظراً (ذکر ایلهدیکمز اثرنده تدقیق ایلهدیکی نیچه) عموم طرفندن ، قونک پرستشکاری و حتی ، هر کسک آکلادینی طرزده اخلاقی ، حیاتیپرورلکی استخفاف ایدن بر متفکر اولارق تصور ایدلرکک برابرینه اونک ایریک نثرینی یاقیندن تدقیق ایدرکک الله ایدیه جکمز نتیجه دیگر فلاسیک آلمان فیلسوفلرینی تدقیق ایلهدی ایلهدیکمز دن فرقلی اولماز .

یا اسکی یونان فیلسوفی هراقلیتوسک « حرب وجدال والداشیادر » دستورینی قبول ایدن هغه غل نه دیه لی ؟

بوراده مدرس باش ده افضله مشکلات قارشیننده در . فی الواقع هغه غل ملنلر آراستنده کی نزاعلری حل ایلهمک ایچون حربدن باشقه چاره کورمه یور : مختلف دولتلرکک قارشیق منفعتلری واردر ، بو منفعتلر مصادمه ایدر ، نزاع غیر قابل اجتناب اولور . دولت موضوع بحث اولدیمی ، حسی و اخلاقی ملاحظه لرکک دکل ، سیاستک ، یعنی قوتلر تجمعنک اهمیت واردر . تهلکه به کیرن منفعتلر یعنی حقلر ، دولتک بوتون قوتیه مدافعه اولونمالیدر . ایکی دولت آراستنده بویه بر نزاع جیتدیمی ، آرتق مسئله هانکی طرفک حقلی اولدینی تعیینده دکلد . زیرا هر ایکی طرفک ده حقیقی حقلری واردر . او حالده تعیین ایدله سی لازم کلن جهت هانکی حقک دیگرکی اوکنده اکیلهمسی اقتضا ایتدیکیدر . بونی ده آنجق بر حرب نتیجه سنده آکلایابیلر . زیرا ایکی حق ، هر ایکسی ده حقلی اولورسه ، مساوی اعتباره مالک اولور ، اولری غیر مساوی و برینی متفوق قیلمی ایچون دیگر بر عامله احتیاج واردر . بو عاملده حربدر .

هغه غل بر دیگر فکری ده اوقشار : اوکا کوره حرب ساده ضروری دکلد ، حتی فائده ایدر ، اخلاقی برقیتمی حائر ، انسانی ، قوملری اصیلکشدیرر . فی الواقع حرب دوری هر کسک فدا کارلق ایتدیکی بر دوردر . فردلرک کندیلرینه عائد و قیمتلی عد ایتدکاری شیلری استحقاق ایلهمک اعتباری قوملرک اخلاقی صحتی تقویه ایدر . هغه غل حربی اعلا و تجیل ایدرکن اثرلرنده بر جوق کره لر شو تشبیه قولانیر : اگر دکزلر متادیا ساکن اوله لردی تغفلر حصوله کلیردی ، روزکار سایه سنده بو تغفلدن قورتولوروز ، عینی صورته دائمی بر صلح ، ابدی بر صلح ایچنده یاشایاجق

معاصر رسم صنعتك كير يكي بحراه

قولرك تعفن ايدجكته ، جورويوب قوجافنه محقق نظريه باقيليرز .


ديكر طرفدن هغل ، تاريخ فلسفه سنده ، حرمين قومنه «روح مطلق» طرفدن توجيه انداش بر وظيفه اولديغني سويلر . اسكيدن امپراطور لافه مبعوث اولان قولر شرقده ، يونانده ، صوكرا روماده ايدى . شيمدى ايسه جرمينلرك امپراطورلنى مقدردر .

مدرس باش هغللك بو فكرلرينك موجوديتنى تصديق ايتكله برابر اولنك نه حرجو ، نه ده متعصب و وحشى بر ملتپرور عد ايدله سى جائز اولمادىغني سويله بور . هغل حرجى مدح ايتش ، ضرورى كورمنش ، تصويب ايتشد . لكن قانت ده عيى وضعتده در . حاليله قانت صلحپرور دكيدر ؟ عيى صورته حرك لهنده بيانانده بولونان رانسز متفكرلرى ، مثلاً پرودون يوقيدر ؟ هغللك حرب حقنده كى فكرلرى «دولت» نظريه سنك بر ضرورى نتيجه سيدر . فى الواقع هغله كوره دولت «شأنى الله» در ، اخلاقيتك تيلر تامين اراشه ايدر . بناءً عليه مطلق صورته حاكمدر . اولنك حاكميته هيج بر جهندن تجاوز واقع اولاماز . بوفكرلرى قبول ايدن بر متفكر ، ايتراسته من حرجى ضرورى كوره جكدر .

جرمينلكك رولى حقنده هغللك فكرلرينه كلنجبه بونك ده دار بر ملت تعصبندن دوغمادىغني كوسترن نقطه لروادر . ناپوليونك اردولرى آلمانيا ده دولاشوب دوروركن و آلمانيا به اك بويوك ضربه لرى اينديرركن هغل فرانسز اردولرى لهنه تيميلرده بولومشدر . حتى بالآخره ، برلينده ، آلمانياك استخلاصندن صوكرا فلسفه مدرسلكى اينديكى زمانلرده ينه دار بر تعصبه قايللار ق فرانسز عليه دارلغنه دوشمه مشدر . ده قارتك فلسفه تاريخنده كى عظيم اهميتى اوزرنده اصرار ايتش «دنيا اوزرنده كونس بارلايلايدى نرى ۱۷۸۹ تاريخنده فرانسز اختلالنك تشبث ايله ديكي طرزده شأنيتى فكره تبعاً يكيدن انشا ايتك واقعه سنك كورو . له مش اولديغني «سويله مشدر .

بويله جه بر فرانسز مدرسى آلمانلرك فلاسبك فيلسوفلرى و بالخاصه هغل حقنده كى اتهاملرى تدقيق و برائت قرارينى ويريبور . بو حادته نك حد داننده بويوك بر اهميتى اولماسه بيله هر حالده درين بر معناسى وار . زيرا اوبزه اثبات ايدى بوركه فيلسوفلرك و صورت عموميه ده بونون متفكرلرك قيمتى تعيين ايجون موقت سياسى احتراصلر فوقنده معيارلرده بولنه بيلير . نهور و غضب بر مدت ايجون كوز بيمزى كورلتنه بيله بر كون كلير ، حقيقت كوشى بارلار ، هر شيئى قيمت ذاتيه سى ايله تقدير ايجون امكان پيدا اولور .

محمد عزت



صنعت :

[صنایع نفیسه آقاده میسی تاریخ صنعت مدرسی وحیدك طرفندن ترجمه ایلشدرد .]

زمان حاضر رسم و منقوشاتى حاوى بر صالونى زيارت ايدن هر كيمسه ، صنعت نه قدر وقوفى اولورسه اولسون ، موجود تابلولرك آز ويا جوق وضوح ايله افاده ايتكمده اولدينى طرز و اصوللرك كثر و تعددى قارشيسنده مؤلم بر حرك تأثيرينه اوغرامقدن خالى قالماز .

فى الواقع بارسك ، مونخك ، ويانهك ، بونورفك برر «رسم بازاری» اولان اوبويوك سركيلرى ، زمانىز نقشنك اك متنوع محصولاتى هيج ده سچمكسزین طولايوب كوز او كره قويمقده درلر . بونلر اويله بر سلسله آثار در كه بك مختلف بولنان قيمتلى اكثيرا صفره نزل ايدى بور ، ذاتاً معلوم شيلر هيج مأمول و منتظر اوليان موضوعلرك يانى باشنده كوريلور ، اسكى طرزده كوره يابلس بعض رسملرله فوق الطبعيه و غريب شكللر برآرده بولور ، اك طائسز و اك طونوق تركيبلر دخی اك جرأتكار جيلغينقلرى بر قات دها كوزه چاريدريبور .

اويله اولدينى ايجوندر كه بتون بو عصولاك تعقيب ايتكمده اولدينى غايى ، بونلرك تمايلاتى ميدانه چيقارمق قولاي برايش دكلدر . هيج اولماز سه شونى ديه بيلير كه بو تمايلات مبهمدر ، متبايندر . انسان بونلرده كى عمده لرى و اساسلى بولمق ، ۱۹ نجى عصرده كى فرانسز نقشنك صفحاتى تدقيق ايدر كن نصل يايور ايسه شوانقلاب و تحولك ده آهنگ و اطرا دى اويله جه آكلامق ايتيبور . فى الواقع (فلاسيبزم) (رومانبزم) (ره آلېزم) (نمبره سيونېزم) كى كلهلر يالكز تدريسى بر سر كى به آلويريشلى اوله جق عنوانلر اولوب بعض زمهرلرك طاشيدقلى مشترك غايه لره ، اولرده مشترك اولان نظريه لره توافق و تقابل ايتكمده درلر . بونون تاريخه قاريشمش اولان بويوك اثرلرده صنعت فكرينك اوغرا دىنى انقلاب و تحولر واضح و صريح بر صورته اوتونه بيلير . واقعا بو انقلاب ، منتظم و امين بر مشى و جريانى تعقيب ايتمده ؛ ترددلر ، جرأتلر ، رجعتلر ، استقباله دوغرى جمله لركى صفحه لردن كچدى ؛ فقط بحر انلرك اك شيد هنگامنده بيله سركيلر هيج بروقت بونلركى قاريشيق و نظام و ترتيبسز منظره يى عرض ايتمده دى .

عمومى بر حال آلان بو آنارشى ايسه هر شيدن اول زمان حاضر انسانك طاشيدىنى بيكلاك ارزوسندن منعنددر . كچمش دورلرده صنعت اك بوكسك نقطه سه واردىنى زمان بوتعالى بى هيج شبهه سز فردى و شخصى داهيله مديون ايدى ، لكن بو داهيلر دخی انسان سالفه نك زحمتله ، كوجلكله اكتساب ايلش اولدقلى علم و فنى كندى نسلرنده جمع و تلخيص ايدى بور ايديلر .

يونان ادوار قديمه سى اولسون ، ايتاليان رونه سانسى و ياخود فرانسه نك ۱۸ نجى عصرده كى صنعتى اولسون ، بويوك استادلره منجر و منتهى اولان طريق تكملى انسان تاريخك بتون مجرا سنده فرق و تميز ايديه بيلمكده در . ذاتاً بو استادلرك آثارى عالى فطرنده اولان فردى عزم و اراده لرك سنو حاتى اولقدن ده بشقه در ؛ بو اثرلر مذسوب بولندقلى دورك و مملكتك صنعت فكرندن بر قسمتى synthétiser يعنى تركيب ايدى بورلر . بونون ماضى ايله ، وعلى الخصوص ماضى قريپ ايله اولان علاقه و مناسبت تماماً و شديداً منقطع اولمشدر . معاصر صنعت ، موجود اولماز دن اقدم منكردر : ايتسر (بوغرو) نك عادتاً شكرله طرزنده كى جملى طورلى شكللرنده ، و ياخود (بونلر) نك ايسر رنگينده كى رسمى پورتره لرنده هيج بر علاقه و جاذبه كورمسون ، ايتسر (دتاى) ك باصه قالب و ساده دلانه تصويرلرينه و (ز. پ. لوران) ك ابتدائى بر علم آثار عتيقه نك محصولى كى اولان اثرلرينه اصلا و قطعاً علاقه دار اولماسون ، شبهه سز بوانك حقيدر . بلكه ده كنجلرك ظلم و اعتسافنه بويله جه قربان اولان شوذواتك انسال آتبه قارشيسنده مدافعه به لايق اولمادقلى بى بعض سربست فكرلير دخی تصديق و تسليم ايدر . هر حالده بونلرك بونون حكى قالمايان اعتبارى طرزلى ايله جوق بوروجى اولان «تقيقك» لرنك آرتق ترك ايدلديكى انسان كورمكله ممنون و محظوظ اوله بيلير . لكن بالذات (نمبره سيونېزم) ك بيله بر حيله اولديغى اعلان و بيان ايدملر بولنور . بو نوعك يالكز طرز احراسنى مره دود كورمكله قالمورلر ، دها ايلرى به كيدى بورلر و قطعى صورته مظفرى قازاندى ظن ايديلن آجيق رنك نقشلى ترك ايدملر اك قويو و مظلم الوانه رجوع ايدى بورلر . dessin يعنى رسمك ، رنگك ، شكلك اهميتى انكار ايدى بورلر . اصول تركيبك بونونه قدر عموميتله قبول ايدلش اولان پره نسيپلرينه بر خرافه نظريه باقى كيتتى - اكر بو پره نسيپلرك يرينه يكليرى قونولش اولمده دى - شايد قبول اولاييلردى . لكن صراحةً افاده ايدلش بويله يكي بر پره نسيپى انسان آرايور ، فقط بوله ميور ؛ دها طوغرى سى بعضاً صافدرونانه بر خود بينلك ايله افاده ايدلش بولنان پره نسيپلر اوقدر قاريشيق ، اوقدر انچه واديات ايله اودرجه ملهمدرلركه بونلره يكي قوريلان بنامك نمللى نظريه باقى بر درلو جائز اولاماز .

بويوك عدايدلش اولان نقشلى cérébralité يعنى - تعبير جائز ايسه - دماغيت ققدانى ايله ، دوشونمه نللكله مؤاخذه ايتديلر ؛ واقعا بوكله يكي ايجاد اولنش بر تعبير ايسه ده شو مؤاخذه على الاكثر